

Amaran Dr. M yang mengugut kepada

KUALA LUMPUR 27 April — Presidenn UMNO, Datuk Sri Dr. Mahathir Mohamad berkata, tidak ada tempat dalam parti itu bagi pemimpin atau ahli-ahli UMNO yang mengugut atau cuba mencabar kewibawaan parti.

Kazanya, bagi memastikan parti terus kukuh, UMNO tidak akan tunduk dengan golongan - golongan yang mengamalkan 'ugut - mengugut' atau cuba menarik sokongan sekiranya parti tidak menunaikan permintaan mereka.

"Tidak ada tempat bagi pemimpin - pemimpin atau ahli yang cuba ugut - mengugut," tegasnya semasa berucap merasmikan persidangan perwakilan UMNO bahagian Kepung di Pusat Dagangan Dunia Putra di sini pagi ini.

Perdana Menteri juga mengesakan, dalam saat - saat untuk menghadapi pilihanraya setiap pemimpin dan ahli - ahli UMNO harus mengutamakan perpaduan parti dan bukan kepentingan sendiri atau untuk puak - puak tertentu.

"Kita tidak boleh emosional, kita harus dan perlu meletakkan kepentingan parti dan negara menentasi se-

UM 27 April 1980

Oleh Aziz Ishak

gala - galanya. Pengalaman telah membuktikan bagaimana orang - orang Melayu dari semua negeri mengenyakan semangat kenegerian bagi mewujudkan perpaduan yang kukuh, sebagaimana kita menentang Malayan Union," jelas beliau.

Datuk Sri Dr. Mahathir berkata, UMNO telah mencapai kejayaan sejak dulu lagi atas semangat perpaduan yang kuat dan suasana ini mungkin tidak akan berpanjangan jika para pemimpin dan ahli - ahli mengutamakan kepentingan sendiri, fitnah - memfitnah dan berpuak - puak.

Beliau menarik perhatian, sokongan yang padu adalah lebih penting kepada parti dan bukan kepada individu - individu bagi menjamin kekuatan UMNO sepanjang masa.

"Saya sendiri rasa terharu dengan sokongan ahli-ahli, misalnya, bila ada yang membawa poster 'Hidup Mahathir'. Tapi saya tidaklah begitu penting yang lebih penting ialah agar UMNO terus kuat. Jawatan presiden parti hanya merupakan simbol dan bertujuan agar UMNO terus mara dengan haluan yang betul," ujar beliau.

Menjelang pilihanraya akan datang, Presiden UMNO itu mengingatkan supaya ahli-ahli UMNO tidak begitu memikirkan soal calon sebaliknya perlu meletakkan sokongan padu bagi menjamin kejayaan UMNO dan Barisan Nasional.

"Kita tidak harus memikirkan sangat soal calon - calon untuk pilihanraya sebaliknya berusaha memastikan kita terus berjaya. Dalam hal ini juga kita harus memberikan kerjasama dan sokongan padu kepada parti - parti komponen Barisan Nasional termasuk calon - calon mereka," jelasnya lagi.

Perdana Menteri juga menegur orang - orang Melayu yang masih beranggapan 'tidak dapat faedah' jika menyertai UMNO dan menyifatkannya sebagai sesuatu yang malang.

"Kalau untuk memuaskan hati atau memberikan faedah kepada setiap orang adalah sukar. Tetapi mereka harus menyedari tentang peranan UMNO yang telah dapat memajukan bangsa Melayu, mengembalikan maruah bangsa, raja-raja dan masa depan bangsa Melayu," tegas Datuk Sri Dr. Mahathir.